




Broj: 03/7-02-02-1-704/25

Sarajevo, 27. 3. 2025.

Parlamentarna skupština BiH
Kolegiju Doma naroda
Ustavnopravnoj komisiji Doma naroda



Na osnovu člana 97. st. (1) i (2) Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 58/14, 88/15, 96/15, 53/16 i 71/24) i čl. 1. i 2. Jedinstvenih pravila za izradu pravnih propisa u institucijama Bosne i Hercegovine ("Službeni glasnik BiH", br. 11/05, 58/14, 60/14, 50/17, 70/17 i 10/21), Zakonodavno-pravni sektor Zajedničke službe Sekretarijata Parlamentarne skupštine BiH daje sljedeće

Mišljenje

o

Prijedlogu zakona o izmjenama Zakona o finansiranju institucija Bosne i Hercegovine

I. Zakonodavno-pravni sektor Zajedničke službe Sekretarijata Parlamentarne skupštine BiH (u daljnjem tekstu: Zakonodavno-pravni sektor) zaprimio je 26. 3. 2025. dopis predsjedavajućeg Doma naroda Parlamentarne skupštine BiH, broj: 02-02-1-704/25, od 25. 3. 2025., kojim se, u skladu s članom 97. st. (1) i (2) Poslovnika Doma naroda Parlamentarne skupštine Bosne i Hercegovine (u daljnjem tekstu: Poslovnik), dostavlja Prijedlog zakona o izmjenama Zakona o finansiranju institucija Bosne i Hercegovine, čiji je predlagač Predstavnički dom, radi mišljenja o usklađenosti s članom 95. Poslovnika i Jedinstvenim pravilima za izradu pravnih propisa u institucijama Bosne i Hercegovine (u daljnjem tekstu: Jedinstvena pravila).

II. Predstavnički dom Parlamentarne skupštine Bosne i Hercegovine usvojio je Prijedlog zakona o izmjenama Zakona o finansiranju institucija Bosne i Hercegovine (u daljnjem tekstu: Prijedlog zakona) na 26. sjednici, održanoj 17. i 18. 3. 2025. čiji je predlagač Marinko Čavara, prvi zamjenik predsjedavajućeg Predstavničkog doma.

U nastavku je Zakonodavno-pravni sektor cijenio usklađenost Prijedloga zakona s Poslovnikom te je konstatirano da je Predstavnički dom, ovlašteni predlagač, u skladu s članom 94. Poslovnika. Prijedlog zakona podnesen je, u skladu s članom 95. stav (1) Poslovnika, u pisanoj i elektronskoj formi na jezicima u službenoj upotrebi u Bosni i Hercegovini. Također, u skladu s članom 95. stav (3) Poslovnika, konstatira se da dostavljeno obrazloženje Prijedloga


zakona sadrži sve elemente propisane članom 95. stav (3) tač. a), b), c), d), f) i g) Poslovnika. Uz Prijedlog zakona nije dostavljeno mišljenje Agencije za zaštitu ličnih podataka u Bosni i Hercegovini o usklađenosti Prijedloga zakona, koji se odnose na obradu ličnih podataka, sa standardima zaštite ličnih podataka kako je to propisano članom 95. stav (3) tačka e) Poslovnika. Međutim, uvidom u dokumentaciju, u prilogu Prijedloga zakona, utvrđeno je da je Prijedlog zakona upućen Agenciji za zaštitu ličnih podataka u Bosni i Hercegovini radi mišljenja o usklađenosti prijedloga zakona, koji se odnose na obradu ličnih podataka, sa standardima zaštite ličnih podataka a u skladu sa članom 95. stav (6). Poslovnika.

Uz Prijedlog zakona priložena je verzija prečišćenog teksta zakona te odredba člana koja se mijenja, kako je to propisano članom 95. stav (5) Poslovnika.

II. U pogledu usklađenosti s Jedinostvenim pravilima, konstatira se da je Prijedlog zakona izrađen na način da odgovara nomotehničkim pravilima, odnosno da svojom strukturom, formom i stilom odražava pravila izrade pravnih propisa, kako je to i propisano Jedinostvenim pravilima.

Također, uvidom u tekst važećeg Zakona utvrđeno je da se sastoji od osnovnog teksta i pet izmjena i/ili dopuna, što je razlog zbog kojeg ukazujemo na član 46. Jedinostvenih pravila (Svrha i obim izmjena i dopuna), te član 54a. (Novelacija teksta propisa), na šta upućuje i član 67. (Revizija postojećih propisa Jedinostvenih pravila).

Rukovodilac
Zakonodavno-pravnog sektora


Bojan Šehovac

Dostavljeno:

- naslovu
- a/a